



## Векало ПахIала пилапхошка яздина кехат

*Векало ПахIала пилапхошка яздина долу хIара кехат* Европин мехкашкахь ПахIала дубхъара дIахIоттийначу динан тобане яздина дара. Римхойн пачхьалкхана чубогIучу Македон-мехкан коьртачу гIалахь яра и тоба. И кехат векало ПахIала ша набахти чувоблличу хенахь яздира. Цу хенахь иза гIайгIанехь вара, Иийсан цхьаболчу динан белхалоша шена йо дубхъало бахъана долуш а, Пилап-гIалахь йолчу динан тобанехь бо харц хъехамаш бахъана долуш а. Мелхо а, хIокху кехатан чулацам доьналла долуш а, самукъане а ду. Цунах хаьа, Дала леррина къобалвинчу Иийсах долу ПахIалан тешар кIорггера хилар.

Кехат яздаран коьрта Iалашо ПахIална гIо оьшучу хенахь пилапхоша шена даийтина долчу совгIатна баркалла алар яра. Оццу хенахь ПахIала церан дегнаш иракарагIиттадо, уьш доьналла долуш а, Иийсах тешна а хилийтархъама, иза ша а, уьш а халонашкахь белахь а. Цо чIогIа доьху цаьрга, дегаллин а, дозаллин а метта, ойланашкахь а, леларехь а Иийса санна таьIна хилахъара бохуш. Цо царна дагадоуьйту, Дала леррина Къобалвинчуьнца доьзна долу церан дахар Дала маьхза дина дика дуйла а, ткъа и дахар цара, товрат-хъехамаш кхочушбарца а доцуш, амма Иийсах тешарца а бен тIе ца эцнийла а. Иштта цо дубйцу Дала Шеца уьйр йолуш Iаш болчу массарна а лучу синпаргIатонах лаьцна.

Цу кехат тIехь ПахIала чIагIдо иштта хIуманаш: даккхийдер, тешна Iаш хилар, цхьаалла, динехь а, леларехь а чIагIделла Iаш хила дезар. Цул сов, кехато гойту, Пилап-гIалахь йолу динан тоба ПахIална чIогIа духаезаш хилар.

### *Дешхьалхе*

**1** <sup>1</sup> Дала леррина къобалвинчу Иийсан ялхоша, ПахIала а, Тимапис а, яздо Пилап-гIалахь Iаш болчу а, Дала леррина Къобалвинчуьнца боьзна болчу а Делан долахь болчаьрга массаьрга – шайца цхьаьна динан тобанан гIайгIабийраш а, динан куьйгалхойн гIоьнчаш а болчаьрга. <sup>2</sup> Делан

<sup>1:1</sup> Векалийн 16:12.

доккха дика а, синпаргIато а хуьлда шуна вайн Да волчу Делера а, Веза Эла волчу, Дала леррина къобалвинчу Иийсагара а.

### *ПахIала пилапхошна тIера дина доIа*

<sup>3</sup> Шу дага мосазза догIу, аса хастамаш бо сайн Деле. <sup>4</sup> Шуна массарна тIера айса мел до доIа даим хазахетарца до аса, <sup>5</sup> шайна хезначу дубхъарлерчу дийнахь дубйна кху дийне кхаччалц, хаза кхаь дIасабаржор тIехь аша дакъалоцу дела. <sup>6</sup> Со теша, шуна чохь и дика гIуллакх дан Долийначо, Дала леррина къобалвина Иийса вогIун волу де тIекхаччалц, иза кхочушдийр дуйла. <sup>7</sup> Шу сан даг чохь долу дела, шух массарах иштта ойла яр нийса ду. Дала суна делла долчу дикачу гIуллакхехь аша массара а дакъа ма лоцу – со набахтехь волчу хенахь а, аса хаза кхаь ларбечу а, чIагIбечу а хенахь а. <sup>8</sup> Дела сан Теш ву, Дала леррина къобалвинчу Иийсан безамца шуьца массаьрца а цхьаьна хила лууш со хьаьгна хиларан.

<sup>9</sup> Аса доьху Деле шун даггара болу безам хIума довзарца а, кхетамалла хиларца а кхин а алсамбаккхар, <sup>10</sup> шайна гIоле дерг хIун ду шу кхетийтархъама. Дала леррина Къобалвинарг вогIучу дийнахь шу цIена а, цхьана а тайпана сакхт доцуш а хилийтар а, <sup>11</sup> Дала леррина къобалвинчу Иийсагара Далла хьалха бакъдина хилар бахъана долуш, дикачу гIуллакхех шу дубьззина хилийтар а доьху ас Делан сийлаллина а, хастамана а.

### *Дала леррина Къобалвинарг – вайн дахар ду*

<sup>12</sup> Динан вежарий, шуна дIахайита лаьа суна, аса хьобгу халонаш бахъана долуш, хаза кхаь дIакхайкхорна тIехь кхин а сов аьтто баьлла хилар. <sup>13</sup> Дала леррина Къобалвинчунна со тIаьхьахIоттар бахъана долуш, со набахти чохь хилар паччахьан цIенна ха деш болчу массарна а, дуккха а болчу кхечарна а дIахиьнера. <sup>14</sup> ХIинца со набахтехь хилар бахъана долуш, дукхахболчу динан вежарийн Везачу Элаца доьналла хилар чIагIделла. Хьалха хиллачул а йоккхачу майраллица, кхерам а боцуш, Делан дош кхайкхо буйлабелла уьш.

<sup>15</sup> Бакъду, цхьаболчара хьагI а, эмгаралла а хиларца, ткъа вукхара дагахь диканиг долуш дубйцу Дала леррина Къобалвинчух лаьцна. <sup>16</sup> Цхьаберш, со хаза кхаь ларбан дIахIоттийна вуйла а хууш, даггарчу безамца лела. <sup>17</sup> Ткъа вуьш, шайна пайда лобхуш а, шайн дог цIена цахиларца а, суна кхин а халонаш ян дагахь а лела, шаьш Дала леррина Къобалвинчух лаьцна дубйцуш.

<sup>18</sup> Ткъа иза коьртаниг ду те? МоттаргIанаш лелаяхь а, я даггара иза деш делахь а, иза муьха делахь а, Дала леррина Къобалвинарг кхайкхаво-кх цара. Иза иштта хилча а, со воккхавеш ву! Кхин а воккха а вийр ву. <sup>19</sup> ХIунда аьлча суна хаьа, и дерриг а шун доIанашца а, Дала леррина

<sup>1:13</sup> Векалийн 28:30.

къобалвинчу Ийсан Синан гювнца а со паргатвалийта суна диканна дуйла. <sup>20</sup> Сайн кIорггера болчу лааме а, сатийсаре а хъаьжжина, со цхъана а хIуманна тIехъ юьхьIаьржачу хIуттур вац, амма сайн мел йолчу майраллица вистхуьлуш лелар ву Дала леррина Къобалвинарг, гуттара а санна, хIинца а соьгахула лакхавалийтархъама — со вехар велахъ а, я лийр велахъ а. <sup>21</sup> ХIунда аьлча Дала леррина Къобалвинарг — сан дахар ду, ткъа Иожалла — суна пайда хилар ду. <sup>22</sup> Нагахъ сан дахар кхидIа а кху дуьненахъ дахлахъ, сан къахъегаро беркате стом лур бу. Иштта суна-м ца хаьа, айса муьлханиг харжа деза. <sup>23</sup> Шинна а агIор Иожалло а, дахаро а, къуьйлуш ву со. Аса сатуьйсу, вала а велла, Дала леррина Къобалвинчуьнца со хиларе, хIунда аьлча иза дуккха а гIолехъ хир дара. <sup>24</sup> Ткъа со кху дуьненахъ вехаш Iар шуна пайдехъ ду. <sup>25</sup> Оцу тIехъ сан шеко а яц, суна иза хаа а хаьа: со вуьсур а ву, шуьца вехар а ву, тешарехъ кхиамаш а, даккхийдер а шун хилийтархъама. <sup>26</sup> ТIаккха со шу долчу юхавеача, сох дозалла дан бахъана совдер ду шун, Дала леррина къобалвинчу Иийсаца шу доьзна а долуш.

<sup>27</sup> Иза иштта хилча, суна, шу долчу а веана, шу гича, я кхечанхъа а волуш, шух лаьцна иштта хезар ду: уьш цхъаалла а йолуш, берриш а цхъаь санна, хазачу кхоаца цхъаьнадогIучу тешарна къахъоьгуш бу. <sup>28</sup> Цхъана а хIуманна тIехъ мостагIех ма кхера: иза уьш хIаллакхиларан билгало ю царна, ткъа шуна — кIелхъардовларан билгало ю. Ткъа и кIелхъардовлар Делера хир ду. <sup>29</sup> ХIунда аьлча Дала леррина Къобалвинчун дуьхъа Цунах тешна а ца Iаш, Цуьнан дуьхъа баланаш хьеге дезар а делла шуна. <sup>30</sup> Шу а, со а хаза кхаь ларбархъама цхъатерра дикачу тIамехъ ду. Шуна ма-гарра, хьалха а ас беш изза тIом бара. Ткъа хIинца, шуна ма-хаззара, со кхидIа а оццу тIамехъ лаьтгаш ву.

*Дала леррина Къобалвинарг лахвар а, вазвар а*

**2** <sup>1</sup> Дала леррина Къобалвинчуьнца хилар бахъана долуш иракарахIуьттур дуй те шу? Цунна шу дезарх синтем хир буй те шуна? Цуьнан Синца мелла а тIекаре дуй те шу? Вовшийн догъэцар а, вовшек къахетар а дуй те шун? <sup>2</sup> Делахъ хилийтийша сан воккхавер дуьззина, цхъатерра ойланаш а йолуш, цхъа безам а болуш, цхъа барт а болуш, цхъа Iалашо а йолуш. <sup>3</sup> Цхъа а хIума шена пайда леха а, дозалла дан а ца деш, хIораммо а, ша-ша эсала а хуьлуш, вовшийн лакхара ларалаш. <sup>4</sup> ХIораммо а, шеншен бен гIайгIа йина ца Iаш, кхечун а гIайгIа е. <sup>5</sup> Шайн дегнаш чохъ Дала леррина къобалвина Иийса санна хилалаш.

<sup>6</sup> Делан вастехъ Ша велахъ а,  
Цунна ца хетара,  
Ша Делах тера хиларх  
Ша пайда эца беза аьлла.

- <sup>7</sup> Мелхо а, Шен возалла дIа а тесна,  
лен васт тIе а эцна,  
адамах тар а велла,  
тIехъаьжна а адам хилла Иза.
- <sup>8</sup> Иожаллина тIекхачалц  
Далла муьтIахъ а хилла,  
Ша лахара вира Цо.  
ЖIара тIехъ Ша валлалц,  
муьтIахъ висира Иза.
- <sup>9</sup> Цундела Дала Иза вазвире,  
угтар а лакхарчу даржехъ Иза дIа а хIоттийна,
- <sup>10</sup> стигалшкахъ а, лаьттахъ а, эхартахъ а берш  
Ийсан цIе лоруш, гора а хIиттина, суждане  
бахийтархъама а,
- <sup>11</sup> Да волчу Делан сийлаллина  
Цо леррина къобалвина Иийса  
Веза Эла хиларх лаьцна  
хIора адаман матте тоьшалла дайтархъама а.

*Серлонаш санна, дуьнен чохъ лепар*

<sup>12</sup> Иштта, сан хьоменаш, гуттара а со юххехъ волуш шаьш муьтIахъ махиллара, со юххехъ воцуш а чIогIачу кхерарца а, дегIе зуз дарца а кхидIа къахъегалаш, шайн кIелхъардовлар кхочушхилийтархъама. <sup>13</sup> ХIунда аьлча Шен дикачу Iалашонца шуна чохъ лаамаш хилар а, гIуллакхаш дар а Хуьлуьйтург Дела ву.

<sup>14</sup> Дерриг а шаьш дийриг, яппарш а ца еш, къийса а ца луш, делаш, <sup>15</sup> Далла хьалха бехк буьллийла доцуш, цIена шаьш хилийтархъама. Аьрхачу а, телхинчу а тайпанна юкъахъ шайца цхъа а вониг доцуш, Делан бераш санна дахалаш. Царна юкъахъ стигалан серлонаш санна лела деза шу, <sup>16</sup> дахар луш болу кхаь царна дIа а кховдош, Дала леррина Къобалвинарг вогIучу дийнахъ шух дозалла дан сан йиш хилийтархъама, хIунда аьлча тIаккха гур ду сан къовсадалар а, къахъегар а эрна ца хилар.

<sup>17</sup> Со вен там бу. Ткъа сан валар чагIаран сагIанах тардала мега. Нагахъ иза шун тешамечу гIуллакхдаран сагIина тIе Iанахъ а, со воккхавеш ву — шуьца массаьрца а воккхавийр ву со. <sup>18</sup> Оцу хIуманна а соьца цхъаьна даккхийде шу а.

*Тимапин а, Эпар-Падатин а тешаме хилар*

<sup>19</sup> Веза Эла волчу Иийсаца воьзна хиларна, дегайовхо ю сан шу долчу кестта Тимапи ваийта, шуьгара хьал-де а хиьна, сайн дог иракарахIотторхъама. <sup>20</sup> Цуьнга кхочуш а, цо санна доггах шун гIайгIа бийр болуш а

сан цхъа а вац. <sup>21</sup>Массара а, Дала леррина къобалвинчу Ийисана луург а ца лобхуш, шайна пайдехъа дерг лобху. <sup>22</sup>Ткъа Тимапи, зийначул тІаьхъа, иза тешаме хилар шуна хууш ду. КІанта шен деца ма-дарра, цо соьца гІуллакх дина хазачу кхоан дубхъа. <sup>23</sup>Сайх хиндерг ма-къаьсттина, иза шу долчу дІахъажо дагахъ ву со. <sup>24</sup>Везачу Элах тешам бу сан: со а кестта шу долчу дІавагІур ву.

<sup>25</sup>Сан динан ваша Эпар-Падати шу долчу дІавахийтар нийса хета суна. Хазачу кхоан дубхъа соьца цхъаьна къа а хьобгуш, дика тІемало санна вара иза. Аша иза сан халонашкахъ соьца гІуллакх дан ваийтина ма вара. <sup>26</sup>Шен цамгарх лаьцна шуна хезна дела, шу массо а ган лууш, вобхна хыйзаш вара иза. <sup>27</sup>Иза дІахалха там болуш вара. Дала къинхетам бира цунах. Ткъа цунах бина а ца Іаш, сох а бина къинхетам, сан сингаттамашна тІе и сингаттам тІе ца кхобтуьйтуш. <sup>28</sup>Цундела суна кхин а чІогІа лаьа иза шу долчу дІахъажо: иза юха а ган а гина, шуна хазакетар хилийта а, сайн сингаттамаш лахбалийта а. <sup>29</sup>Везачу Элаца шаьш хиларна даггара долчу хазакетарца тІеэцалаш иза, и санначеран сий а делаш. <sup>30</sup>ХІунда аьлча Дала леррина Къобалвинчун гІуллакх бахъанехъ вала гергга вара иза. Шу суна гІуллакх дан йиш йоцуш хиларна, цо, шен дахар а ца кхоош, шун метта, суна гІо дора.

*Далла хьалха бакъвар*

**3** <sup>1</sup>Ткъа хІинца, сан динан вежарий, даккхийде шаьш Везачу Элаца долуш. Хьалха яздинарг шуьга кхин а цкъа яздан суна хала дац, ткъа шуна иза закълтана хир ду. <sup>2</sup>Ларлолаш зуламаш дечарах! Уьш жІаьлех тера бу, цара шайн бехке меттиг хадорца шаьш сакхт до! <sup>3</sup>ХІунда аьлча вай билггал сунтдинарш ду. Вай Делан Синехула Далла гІуллакх деш а ду, Дала леррина къобалвинчу Ийисаца доьзна хиларх дозалла деш а ду, адамийн дилханах тешна Іаш а дац. <sup>4</sup>Сан а ма яра, сайн дилханах а тешна, Іен йиш. Нагахъ санна кхин цхъа стаг, шен адаман дилханах а тешна, Іен дагахъ велахъ, сан цуьнан йолчул а сов бакъо хилар билггал бакъду. <sup>5</sup>ХІунда аьлча дуьнен чу ваьлчачу борхІалгІачу дийнахъ со сунтвина а ву, Израилан халкъахъ схъаваьлла а ву, Бен-Яманан тайпанах а ву, Іебархойхъ схъаваьлла Іебархо а ву. Товрат-хъехамаш кхочушбеш парушхо а вара со. <sup>6</sup>Сайгахъ болчу ницкъе хъаьжжина, Ийсах тешначийн тобанна дубхьалваьллера. Товрат-хъехамаш кхочушбаро луш долчу бакъваре хъаьжжина, ала цхъа а хІума доцуш вара со. <sup>7</sup>Делахъ а суна пайдenna ду аьлла хеттарг Дала леррина Къобалвинчун дубхъа эрна хилла лору аса. <sup>8</sup>Цул сов, кхидолу массо а хІума эрна хета суна, хІунда аьлча дерригенал а деза ду сан Веза Эла волу, Дала леррина къобалвина Ийиса вовзар. Цуьнан дубхъа со массо а хІуманах ваьлла. Кхидолу массо а хІума кхелли хета суна, Дала

<sup>3:5</sup> Римхошка 11:1; Векалийн 23:6; 26:5. <sup>3:6</sup> Векалийн 8:3; 22:4; 26:9-11.

леррина Къобалвинчуьнца уьйр йолуш со хилийтархъама а, <sup>9</sup>Цуьнца цхъаьна хилархъама а. Ас-айса, товрат-хъехамаш кхочушбарца а доцуш, ткъа Дала леррина Къобалвинчух тешарца Далла хьалха бакъвина ву со. Иштта Дала Ша со бакъвира, Ийсах тешарна. <sup>10</sup>Дала леррина Къобалвиннарг КІоргге вовза лаьа суна, Иза веллачуьра денвеш хилла болу ницкъ а бевзаш, Цуьнан баланашкахъ дакъа а лоцуш. Цуьнан Іожаллехъ Цунах тар а луш, Иза вовза а лаьа суна, <sup>11</sup>Иза санна, веллачуьра денваларе са а туйьсу аса.

*Дала со тІекхайкхинчу Іалашоне кхача гІертар*

<sup>12</sup>Аса ца боху, оцу массо а хІумане со кхъачна ваьлла, я со кхачам боллуш кхиьна. Мелхо а, Дала леррина къобалвинчу Ийисас со дола ваьккхинчу Іалашоне кхача гІерташ ву со. <sup>13</sup>Динан вежарий! Оцу Іалашоне со кхъачна ваьлла аьлла ца хета суна. Делахъ а цхъа хІума кхочушдо ас: сайна тІехъа дерг диц а деш, хьалха долчунна тІекхача гІерташ ву со. <sup>14</sup>Иштта, сан Іалашо ю, къовсамехъ санна, Ша леррина къобалвинчу Ийисагахула со стигала тІекхайкхинчу Дала суна лун долчу совІатна хьалха тІекхача.

<sup>15</sup>Ийсах тешаре хъаьжжина, вайна юкъара хьалакхиьнарш массо а иштта ойланаш йолуш хила беза. Нагахъ санна цхъадолчунна тІехъ шун кхин тайпана ойланаш елахъ а, иза а Дала шуна дІадоьллур ду. <sup>16</sup>Вуьшта, хІинца ваьшна девзина долчуьнца кхидІа а даха деза вай.

<sup>17</sup>Динан вежарий! Кхиберш санна, сох масал оьцуш хилийша. Оха шуна гайтинчу масалца бехачаьрга хьовсалаш. <sup>18</sup>ХІунда аьлча дукхахберш Дала леррина Къобалвинчун жІаран мостагІий санна лелаш бу. Аса сихсиха дубйцура шуьга царахъ лаьцна, ткъа хІинца-м, бІаьрхиш а Іенош, дубйцу аса. <sup>19</sup>Церан кхоллам – хІаллакххилар ду. Церан дела – гайна там бар ду. Эхъечу гІуллакхех дозалла до цара. Цара, кху дуьненан хІуманийн бен, ойла ца йо. <sup>20</sup>Ткъа вай стигалан дахархой ду. Вай КІелхьардохург, Веза Эла волу, Дала леррина къобалвина Ийиса, оцу стигалшкара схъаваре хьобжуш а ду вай. <sup>21</sup>Вайн сий доцу догІмаш хуьйцуру ду Цо, Шен сийлахъчу дегІах а тардина. И дийр ду Цо массо а хІума а Шен карадерзо йиш йолчу Шен ницкъаца.

**4** <sup>1</sup>Аса доггахъ сатуьйсу, сан хьоме вежарий! Шу ду сан ирс а, сан толаман таж а. Иштта, хьоменаш, аса хІинца ма-дийццара, чІогІа латалаш Везачу Элаца доьзна долчу шайн дахарехъ.

*Шайна Іеминарг кхочушделааш!*

<sup>2</sup>Аса доьху хьобга, Авуди, иштта хьобга а доьху ас, Синтахи, вовшашца бертахъ хилийша. Шуьшиь цхъатерра Везачу Элан долахъ ма ву! <sup>3</sup>Иштта

<sup>3:17</sup> 1 Коринтхошка 4:16; 11:1.

хьобга а, сан тешаме волу СезагI\*, го дар доьху аса оцу зударшна. Хаза кхаь баржош, аса бинчу балха тIехь Кала-Ментица а, кхиболчу сан накьосташца а дакьалаьцнера цара. Церан цIераш дахаран тептар тIе дIаяз-йна ю.

<sup>4</sup> Везачу Элаца а долуш, даим а даккхийде. Юха а боху аса: даккхийде!

<sup>5</sup> Массо а адамашна йовзийла шун эсалалла. Веза Эла гергга ву. <sup>6</sup> Цхьана а хIуманан гIайгIа ма е, амма мел дечу доIанашкахь а, дехаршкахь а, баркалла а кхайкхош, шайна оьшург Деле дIахайта. <sup>7</sup> ТIаккха, шун муьлххачу а кхетамал лакхара а йолуш, Делера схьайогIучу синпаргIатоно шун дегнаш а, шун хбекьалш а лардийр ду, шу Дала леррина къобалвинчу Ийсаца доьзна долу дела.

<sup>8</sup> Ткъа хIинца, динан вежарий, дика мел дерг а, хастаме дерг а дагахь латгаде. Билггал бакьдолчух, оьзда долчух, нийса долчух, цIена долчух, тамехь долчух, дозалла дан хьакь долчух ойланаш е. <sup>9</sup> Соьгара шайна Iеминарг, дIаэцнарг, хезнарг, гинарг кхочушделаш. ТIаккха синпаргIатонан хьоста долу Дела шуьца хир ву.

#### *СовгIаташна баркалла олу ПахIала*

<sup>10</sup> Везачу Элаца воьзна а волуш, дикка хазахетар хилла ву со, шун юха а сан гIайгIа бан аьтто баьлла дела. Бакьду, шу-м хIинцалц а дара сан гIайгIа беш, амма шун аьтто ца болура иза суна хайита. <sup>11</sup> Сайна цхьа хIума оьшу дела, ца боху аса иза. ХIунда аьлча сайна хIуьа а тIедеача а, со Iемина ву сайн долчух тоам а беш Iен. <sup>12</sup> Суна къоблла а евзина, хьал а девзина. Муьлххачу хенахь а, муьлххачу меттехь а сайн долчух тоам баран къайле евзина суна – со вуьзна я меца велахь а, со шортта хIума долуш а хIума оьшуш велахь а. <sup>13</sup> Суна ницкъ луш волу Дала леррина Къобалвинарг бахьана долуш, суна массо а хIума лан хаьа.

<sup>14</sup> Делахь а аша дика гIуллакх дина, сан баланашкахь дакъа а лаьцна.

<sup>15</sup> Пилапхой, шуна хууш ду-кх, со Македон-махкара ара а ваьлла, хаза кхаь дIакхайкхо волавеллачу хенахь, шу доцучара цхьана а динан тобану суна хIума ца кховдийра, аша суна го ма-дарра. <sup>16</sup> Аша-м со Тас-салник-гIалахь волуш а, суна хIума эшча, мосуьйттаза го динера. <sup>17</sup> Сайна совгIаташ дайтар ца лобху аса. Мелхо а аша динчу дикачу гIуллакхийн кехатна тIе кхин а хIуманаш дIаяздина хилар лобху ас. <sup>18</sup> ХIинца шортта хIума ду сан. Оьшург ерриге а йолуш ю, аша мел даийтина совгIаташ Эпар-Падатис соьга схьакхачийна. Далла доккху хаза хьожайогу сагIа санна ду и совгIат, Дела цунна реза а ву. <sup>19</sup> Сан Дала Ша

\* <sup>4:3</sup> Сан тешаме волу СезагI. ХIокху цIеран метта хила тарло: *соьца цхьаьна динан гIуллакх кхочушдина волу а накьост.*

леррина къобалвинчу Ийсагахула Шен долчу сийлахьчу хьолаца шуна мел оьшург лур ду. <sup>20</sup> Абаденналц сийлалла хуьлда вайн Да волчу Ден! Амин.

#### *Маршаллаш*

<sup>21</sup> Маршаллаш ло Дала леррина къобалвинчу Ийсан долахь болчу мас-саьрга а. Соьца болчу динан вежарша а маршаллаш доуьйту шуьга. <sup>22</sup> Делан долахь болчу массара а доуьйту шуьга маршаллаш, къабсттина Рим-мехкан паччахьан цIерачара.

<sup>23</sup> Веза Эла волчу, Дала леррина къобалвинчу Ийсан дика хуьлда шуьца массаьрга а.